

Dauqngeix Gij Saedceij Caeuq Sawcuengh Byaij Gvaq

回忆和壮文一起走过的日子

□ Vangz Vazcingh / 黄华清

Dujva gyaез daengngoenz, duз-roeg gyaез mbwnlamz, duзbya gyaез raemxlaeg, cam gou gyaез gijmaz, gou naeuz gyaез Sawcuengh. Gij saedceij caeuq Sawcuengh byaij gvaq hawj gou nanzlumz.

1981 nienz, Sawcuengh youq hagdangz gou—Gingloз Siujoyz guh sonhag sawqdiemj. 1982 nienz, gou doeg it nienzgaep, faen youq aen ban Sawcuengh. Mwhhaenx, miz hauj lai bohme h cibfaen doiqdig Sawcuengh, mbanj dawz lwnyeз rag haeu aen ban Sawgun, mbanj sikhaek daiq lwnyeз cienj bae lingh aen hagdangz doegsaw. Seizhaenx, ngoenzngoenz cungj miz vunz daengz ndaw hag nauh, gangj hag Sawcuengh miz maz yungh, couh lienз ok Datgauhfung h cungj nanz, engq mbouj yungh gangj ok Gvangjsih lo. Hoeng, bohme h gou cix mbouj baenzneix siengj, gyoengqde hawj gou gag dawz cawjeiq. Gou couh menh ngeix, danghnaeuz Sawcuengh mbouj miz yungh, guekgya youh baenzlawz baenzneix caenhrengz doiheingz? Gou couh dinghsim hag Sawcuengh, couh yienghneix gou caeuq Sawcuengh yied cug yied gaenj. Sam nienzgaep gou gaenq ndaej gaem 《Bauq Sawcuengh》 doeg bae doeg dauq. Haj nienzgaep, gou roх doeg Sawcuengh youh roх doeg Sawgun, Sawcuengh Sawgun cungj fungsou.

Siujoyz bizyeз, gou daengz yienhsingz Minzcuз Cunghyoz doeg-saw, cawz liux caeuq hagdangz wnq hag gij yozgoh doxdoengz, lij ndaej

laebdaeb hag Sawcuengh. Cunghyoz bizyeз gaujsi, cingzciк okdaeuj lo, gou hix mbouj beij doengzban cij hag Sawgun ca. Seizhaenx, gou engqgya gyaез Sawcuengh, engq roхnyinh liz mbouj ndaej Sawcuengh, laebdaeb daengz Gvangjsih Sawcuengh Hagdangz hag Sawcuengh.

4 bi sat le, gou dauq daengz Gingloз Siujoyz son saw, daj hainduj yamq hwnj gyangdaiz guh lauxsae, gou caeuq Sawcuengh cingzgeih engq naekna. Itcig daeuj, gou gaenjgaenj heux gij fuengcim 16 cih fuengcim sonhag Sawcuengh —“aeu Cuengh guh cawj, Cuengh Gun doxhab, aeu Cuengh coi Gun, Cuengh Gun cungj roх” daeuj hwnjdangz. Hagseng ndaej doeg youh ndaej sij, Sawgun cingzciк youq ndaw cin mbouj dwg daih’it couhdwg daihngaih. 1998 nienz, hagseng Vangz Libingz bien faenzcieng 《Gueng Gaeq》 camgya gij doxdax daengx gih Sawcuengh faenzcieng ndaej it daengjciengj; doengzbi, hagseng Vangz Cuihvaz bien faenzcieng Sawgun 《Danghnaeuz Gou Dwg Go Faex Ndeu》 camgya gij daxdax daengx gih “coзvwnz davangz” hix ndaej it daengjciengj, 《Gienhsaeh Nanzlumz》《Mizyinx Singhgiz Roek》 daengj faenzcieng youq 《Gvangjsih Minzcuз Bau》 ndaej daengh. 2008 nienz, gou cijdauj hagseng Vangz Yencih camgya gij doxdax daengx gih gangj gojgaeq, 《Goggaeq Goq Hag Eufwen》 ndaej it daengjciengj.

Bingzseiz, gou hix gyaез doeg di

bauqceij, sij di faenzcieng, eueu song hot fwen genjdanh, ngeixngeix baenzlawz ca ndei Sawgun caeuq Sawcuengh. Bien lunvwnz 《Baenzlawz Leihyungh Sawcuengh Sonyinx Hagseng Sijvah》 ndaej gih lunvwnz ngeih daengjciengj, 《Lwnh Yozcenzban Sawcuengh Sonhag》 ndaej yienh lunvwnz it daengjciengj. Vihneix, gou hix bingz ndaej hauj lai ciengj, Sawcuengh sonhag gaenq buenx gou 16 bi lo.

2010 nienz daengz 2017 nienz, gou daengz lingh aen hagdangz son saw. Gou hix cien fanh baeз youq ndawsim cam cihgeij: Biekliz Sawcuengh hagdangz, Sawcuengh lij caeuq gou mizcingz lwi? Sawcuengh dwg mbouj dwg daj baezneix hwnj couh caeuq gou yied byaij yied gyaе? Hoeng, hauj lai baeз gou youh gag dap cihgeij: Sawcuengh caeuq gou couh lumj mbaw caeuq ganj, rag laeg mbaw mwn, 33 bi doxbuenx youh baenzlawz lumz ndaej?

Doxbiek 7 bi, 2017 nienz 9 nyied, gou youh dauq Gingloз Siujoyz, laebdaeb son Sawcuengh caeuq Sawgun, seizneix son Sawcuengh caeuq geij bi gaxgonq doxbeij, mbouj roх dwgrengz geij lai boix. Gaxgonq lwnyeз seng okdaeuj couh roх gangj Vahcuengh, seizneix ngamq doeg youwzyenz couh roх gangj Vahgun sugsegseg, hoeng Vahcuengh mbouj roх gangj geij coenz. Vihneix, Sawcuengh sonhag couh lumj ndaw boengz caij oenciq daemdengj dengj nei.

Hawj gou geiq ndaej ceiq laeg dwg son hagseng it nienzgaep yinhme h “aeng”. Vihliux hawj gyoengqde geiq ndaej youh vaiq youh laeg, gou fwngz vix aenndaeng cam: “Neix dwg maz?” Daengx ban hagseng caezcup han naeuz: “鼻子。” Caiq cam hix dwg dap Vahgun “鼻子”. Gou cijndei aeu Sawgun “鼻子” daeuj son Sawcuengh “ndaeng”, gou sien son, daengz siujcuj doeg, caiq lumj hai hojce h nei doxlwnz doeg, youh doxdax doeg. Hoeng, mboujguenj gou yungh maz banhfap daeuj sonhag, hagseng cungj dwg mbwqmbangmbang, Sawcuengh sonhag couh lumj gaeqmeh gvax rongz baenqbanghbangh, hagseng mbwq lauxsae hix dwgrengz. Mboujgvaq, vihliux gij sonhag minzcuз, vihliux swnjcienz gij vwnzva minzcuз, dwgrengz sinhoj suenq maz, mbouj ginggvaq rumzfw n youh baenzlawz ndaej raen duзdoengz, caiq haemz caiq hoj hix aeu riengz hoj baenaj. Ndigah, gou couh dawz ok cien fanh naihsim, son baeз ndeu mbouj ndaej, couh son song baeз, laebdaeb son, son daengz roх cij dingz.

Ndigah, gaxgonq gou yienghhaenx gangj, seizneix gou lijdwg yienghhaenx gangj: Cam gou gyaез gijmaz, gou naeuz gyaез Sawcuengh. Sawcuengh caeuq gou couh lumj bya caeuq raemx, cingzgeih naekna, buenx gou ciuhvunz! Gij saedceij caeuq Sawcuengh byaij gvaq hawj gou nanzlumz.

Haenh Lajmbanj Caen Gyaеundei

赞颂乡村真美丽

□ Veiz Hajjyinz / 韦海云

Haenh lajmbanj caen gyaеundei! Neix dwg gaijgwz hailangh hawj gou gamjsouh ceiq hung.

Geiq ndaej caengz gaijgwz hailangh seiz, mbanj gou gij roen haenx youh iq youh boengz, cungj dwg namhhenj bu youq gwnz roen. Lij miz haex vaiz haex max bu youq gwnz roen, baeз daengz doek fwn, gij roen haenx couh lumj ndaw rek cawj souh, youh yungz youh gwг, gij din cungj mbouj roх yamq youq gizlawz bae lo. Seizneix daj gaijgwz hailangh, gaenq bienq baenz lohsuijniz lo, bingzbwdbwd, gvangqlanghlangh lo, song bien loh bangxhenz ndaem miz hauj lai vava nywjnywj, hauj lai go faex, gij va haj saek gig gyaеundei, doxdax hailangh.

Gij nywj heuswdswd, baeз doek fwn gvaq, gij nywj couh yienh ndaej engq heu lo. Gij go faex youh soh youh sang, lumj bouх sauqbing ndwn youq henz souj. Baeз daengz banhaemh, song henz lohdaeng cungj rongh hwnjdaeu j lo, ciuq ndaej aen mbanj ronghsagsag, sim’angq dangqmaz.

Caengz gaijgwz hailangh seiz, lajmbanj mbouj miz saek bouх vunz roх diuqfoux, miz saek bouх vunz diuqfoux hix mbouj gamj bae diuq, lau dwg bouхgvan bouxyah gangj. Gaijgwz hailangh le, gyoengqvunz ngoenznaengz bae guhhong, haemh daengz gwn caeuz gvaq le, couh mwngz iu gou, gou iu mwngz bae gvangjцangz diuqfoux lo. Gvangjцangz gij daeng

ronghsagsag, lumj banngoenz nei. Gvangjцangz cungqgyang miz aen densi ndeu, lij miz aen DVD, gyoengqvunz couh riengz ndaw densi diuq hwnjdaeu j lo. Mboujlwnh dwg lwnyeз roхnaeuz bouхcoз, mboujlwnh dwg mehmbwk roхnaeuz bouхsai, cungj diuq hwnjdaeu j, bouxbouх riuhaа, sim’angq raixcaix.

Lajmbanj raemx sawdikdik, cingh caen dahraix. Mbanj gou miz bouх Buzsam, dwg bouх dog. De nienzgeij geq lo, hengzdoengh mbouj bienh, hwet youh gungj lo. Ndaw mbanj gij vunz cungj bae bang de sauq ranz, guh saeg. Miz bouхlaux daiqdaeuz, gou gij lwnyeз neix hix bae bang de guh hongranz. Baeз daengz seiz gvaq ciet,

bouxbouх cungj heuh Buzsam bae ranz bonjfaenh gvaq ciet, Buzsam cungj gamjdoengh ndaej gangj mbouj ok vah. Seizneix, gaijgwz hailangh lo, guekgya bang Buzsam hwnj ndaej ranz moq lo, ronghsagsag. Doek fwn haenq seiz, caiq hix mbouj lau ranz doemq roengzdaeuj daenz dai vunz lo.

Caengz gaijgwz hailangh seiz, lajmbanj gou cungj dwg ranz vax, cienз dwg yungh namhhenj cuk baenz. Baeз daengz doek fwnraq, gij vax cungj roh fwn, cungj aeu aen doengj aen bat daeuj do raemx. Gaijgwz hailangh lo, gij ranz namh gaenq mbouj raen lo, ranzranz cungj dwg ranzlaeuz, cang ndaej ndeindwtndwt, ronghsagsag, caiq hix mbouj lau doek fwnraq lo.

Gaijgwz hailangh lo, gyoengqvunz cungj yiengjsouh daengz gij ndeicawq gaijgwz hailangh. Daegbied dwg lajmbanj gyaеundei raixcaix. Gaijgwz hailangh lo, Cungguk yinzminz cungj gvaq hwnj gij saedceij vuenyungz lo.

Haenh lajmbanj caen gyaеundei!